

Uunga siunnersuut: Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaata allanngortinneqarneranik Inatsisartut inatsisaat**Saqqummiussissut**

(Aningaasaqarnermut Aatsitassanullu Naalackersuisoq)

Siullermeerneqarnera

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaata allanngortinneqarnissaanik siunnersuut Naalackersuisut sinnerlugit matumuuna saqqummiutissavara.

Aningaasat akiligassallip akissarsiassaani ilanngartuutigineqartut nalunaarutigineqarnissaannut akilernissaannullu piffissaliussap siunnersuutip kingunerisaanik assigilissavai akileraarutit A-t aamma iluanaarutisianit akileraarutit akilernissaannut piffissaliussat, piffissaliussamut maanna atuuttumut naleqqiullugu 2013-imi ukiakkut ataatsimiinnermi ullunik 11-it missaannik sivitsorneqartut. Piffissaliussamik taamanikkut sivitsuinerup siunertaraa akileraarutit akilernerqartarnerinik pisariillisaanissaq suliarineqartarnerannillu pitsanngorsaaniissaq.

Ilutigisaanik siunnersuutigineqarpoq, aningaasat qaammatisiutit malillugit qaammatip siuliani ilanngartuutigineqartut Akileraartarnermut Aqutsisoqarfimmuut nalunaarutigineqarnissaannut piffissaliussaq qaammatip ulluisa 10-annut aalajangersarneqassasoq.

Aningaasat ilanngartuutigineqartut nalunaarutigineqarnissaannut akilernerqarnissaannullu piffissaliussat pillugit maleruagassat, pisortanut akiitsut akilersinniarneqartarnerat pillugu Namminersorlutik Oqartussat nalunaarutaanni maanna allassimareerput. Inatsisitigulli isumannaatsuunissaq pissutigalugu naleqqunnerutinneqarpoq aningaasat ilanngartuutigineqartut nalunaarutigineqarnissaannut akilernerqarnissaannullu piffissaliussat, akileraartarnermi akitsuusiisarnermilu inatsisinisuulli inatsisikkut aalajangersarneqartarnissaat.

Inatsisissatut siunnersuut tassungalu oqaaseqatit naggataatigut innersuussutigaaakka.

Siunnersuut Naalackersuisut sinnerlugit matumuuna Inatsisartunut suliassanngortippara, aammalu Aningaasaqarnermut Akileraartarnermullu Ataatsimiititaliami suliarineqareerpat aappasaaniigassanngortillugu.